



15. juli 2022

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

- 1. Naalakkersuisut iliuusissanut qanoq pilersaaruteqarpat, nammineq illuutillit kissarsuutitik uuliatortunik pigisaqartunut, pinngortitamut mianerinninnerusunik kiassarnermik periarfissaasinnaasunik taarsiisinnanissaannut? Assersuutigalugu kiassaaitit pumpemik (varmepumper) ingerlasut.**
 - a. Naalakkersuisut iliuusissaasinnaasut qanoq aningaasalersorneqarnissaat naatsorsuutigivaat?**
- 2. Naalakkersuisut iliuusissanut qanoq pilersaaruteqarpat Namminersorlutik Oqartussat ingerlataanni kissarssuutit uuliatortut pinngortitamut mianerinninnerusunut kiassarnermut periarfissanut taarsersornissaannut, assersuutigalugu kiassaaitit pumpemik (varmepumper) ingerlasut?**
 - a. Naalakkersuisut iliuusissaasinnaasut qanoq aningaasalersorneqarnissaat naatsorsuutigivaat?**
- 3. Naalakkersuisut iliuusissanut qanoq pilersaaruteqarpat kommuneni kissarsuutit uuliatortut kiassaatinut pinngortitamut mianerinninnerusunut sumiiffinni taarserneqarsinnaanissaannut periarfissiisunik, assersuutigalugu kiassaaitit pumpemik (varmepumper) ingerlasut?**



b. Naalakkersuisut iliuusissaasinnaasut qanoq aningaasalersorneqarnissaat naatsorsuutigivaat?

- 4. AIS 2023-mut anigaasaliissutissanik immikkoortitsisoqariissava kiassaatinik uuliatortunik atorunnaarsitsinissamut iluaqutissanik?**
- 5. Naalakkersuisut mingutsitsinngitsumik nukissiuuteqarnissamut ikaarsaariarnissamut pilersaarutaat innuttaasunut attumassutillit allat suuppat?**
- 6. Pingaarnersiuluni tulleriiaarineq qanoq isikkoqarpa?**
- 7. Mingutsitsinngitsumik nukissiuuteqarnissamut ikaarsaariarnermi iliuusissat ilanngunneqartut qanoq piffissalernerneqassappat?**

Tungavilersuut:

Sammissami "Mingutsitsinngitsumik nukissiuuteqarnissamut ikaarsaariarnermi" Inuit Ataqatigiit Siumullu naalakkersuisooqatigiinnermi isumaqatigiissutaani toqqaannartumik isumaqatigiissutaanngikkaluartoq, naatsorsuutigilluinnarpara nukissiutunik ataavartunik pinngortitamullu mianerinnittumik ikaarsaariarnissamut suli Naalakkersuisut annertuumik pingaartitsisut. Erngup nukinganik nukissiorfiit amerlinissaat kisimik pinnagit, kisianni aamma inoqutigiit periarfissaannut, assersuutigalugu kiassaatinik uuliatortut atorunnaarlugit nukissiutunik piujuartitsisunut nuunnissaannut.

INUIT ATAQATIGIIT

Inatsisartuni



Naalagaaffiit Peqatigiit nunarsuarmi piujuartitsisumik ineriartornissamut anguniagassatut siunniussai 17-it pisussaaffiliipput, CO2-mik aniatitsinerup annikillisarnissaanut, taamaasilluta nunarsuup kissakkiartorneranut annikillisaaniarnermi peqataassalluta.

Akineqarnissara qilanaarivara.

Ullut qulit qaangiutsinnagit akineqarnissara naatsorsuutigaara.